

ЙдрыбагъатІ:

«Адуней апсуа-абаза конгресс»

жвлара адкЫлара

асквш 2022 декабрь а 8 агІан йакІвшаз

VIII Айззарату алачІвара апроколла

«Адуней апсуа-абаза конгресс»

жвлара адкЫлара

а-Устав йаларцІаз

№ 1 зму Апсахраква

СогІвым къала

Асквш 2022

1. А-Устав апны П. 5.4. араса йпсахра:

«5.4. А-Конгресс АйззарадугІваца акІвпІ арат ауысква йрылапшуа:

5.4.1. А-Конгресс алаша псахра йа йамЦыштхра ауысла щаквыргылра нахвра (ащаквыргылра айззара йалу аделегатква йрыуата хпа йчпата гІвба рацкІыс ймачІымкІва напІы щтІырхуазтын йнарахвитІ);

5.4.2. ЙхІаракІу асовет йалазлуш рпхьадзара щаквыргылра (ашта уысхартипхьадза ахыла зъарагІвы алазлуш щаквыргылрагьи алата), а-Конгресс ЙхІаракІу асовет йалазлуш хвысквшала йалхра, ауат рхьвдаквцІараква пасата йашІарысхра (ащаквыргылра йау аделегатква ръарагІвшара ацкІыс ймачІымкІва напІы азыщтІырхуазтын йнарахвитІ);

5.4.3. Йалырхыз А-Конгресс ЙхІаракІу асовет йалакву дрыуата а-Конгресс ЙхІаракІу асовет аунашвачпагІв далхра (ащаквыргылра йау аделегатква ръарагІвшара ацкІыс ймачІымкІва напІы азыщтІырхуазтын йнарахвитІ);

5.4.4. Апсуа-абаза (абаза) йгьи убых уагІа йгІарыланакІуа ъабзазауа акъралъква рпны а-Конгресс ашта хъвшараква гІаныршара (ащаквыргылра йау аделегатква ръарагІвшара ацкІыс ймачІымкІва напІы азыщтІырхуазтын йнарахвитІ);

5.4.5. А-Конгресс анхара анархара йгьи апрограмма хьадаква, а-Конгресс амлыкв злалу йгьи йшгІаурьсабапуаш адгылщаква рыбагъара (ащаквыргылра йау аделегатква йрыуата хпа йчпата гІвба рацкІыс ймачІымкІва напІы азыщтІырхуазтын йнарахвитІ);

5.4.6. А-Конгресс ЙхІаракІу асовети а-Конгресс Аквта рхъвыхра комиссии ротчетква рыбагъара (ащаквыргылра йау аделегатква ръарагІвшара ацкІыс ймачІымкІва напІы азыщтІырхуазтын йнарахвитІ)».

2. А-Устав апны П. 5.14. араса йпсахра:

«5.14. А-Конгресс ЙхІаракІу асовет:

5.14.1. А-Конгресс а-Устав арыбагъытІ, ауи псахра аланацІитІ (ащаквыргылра йау аделегатква хпа йчпата гІвба рацкІыс ймачІымкІва напІы азыщтІырхуазтын йнарахвитІ);

5.14.2. А-Конгресс анхара ахчала, бзазага-техника щатала, датшагьи йатахъула йаднагалитІ.

5.14.3. Хъвшарипхьадза йауата зъарагІв делегат Айззарату йырщтиуаш щаквнаргылитІ.

5.14.4. Айззарату ащаквыргылраква рырхъйаща аднагалитІ йгьи йархъвыхитІ.

5.14.5. А-Конгресс йалалырныс зтахъу днармахвра, а-Конгресс йалу далштра ауысквала щаквыргылра нанаухвитІ, а-Конгресс йнармахвыз рашшраква йрылапшитІта ашшра ауысла щаквыргылра нанаухвитІ.

5.14.6. А-Конгресс ЙхІаракІу асовет аунашвачпагІв йазыгІайщтиуа абюджети а-Конгресс ахча шгІадрысабапыз ауысла аотчети арыбагъытІ.

5.14.7. А-Конгресс ахъвшаракви ауысхартакви гІаныршара ауысла щаквыргылра нанаухвитІ, ауат руысла аъащаква арыбагъытІ.

5.14.8. Йшынхаз ауысла а-Конгресс Айззарату апахъ отчет ачпитІ.

5.14.9. А-Конгресс анхара йапщылу антахъгыт ауысквала щаквыргылра нанаухвитІ – Айззаратуи Аквта рхъвыхра комиссии рхъгалра йацІу ауысква ракІвмызтын.

5.14.10. «Алазара ауысла» Аъаща арыбагъытІ (ащаквыргылра ЙхІаракІу асовет йалакву йрыуата йау ръарагІвшара ацкІыс ймачІымкІва напІы азыщтІырхуазтын йнарахвитІ).

5.14.11. «А-Конгресс ашта хъвшара ауысла» Аъаща арыбагъытІ (ащаквыргыла ЙхІаракІу асовет йалакву йрыуата йаъу ръарагІвшара ацкІыс ймачІымкІва напІы азыщТІырхуазтын йнарахвитІ).

5.14.12. «А-Конгресс Айззарату аделегатквa ралхща ауысла» Аъаща арыбагъытІ (ащаквыргыла ЙхІаракІу асовет йалакву йрыуата йаъу ръарагІвшара ацкІыс ймачІымкІва напІы азыщТІырхуазтын йнарахвитІ).

5.14.13. А-Устав апны йгІарбу йгъи/йа Айззарату апны йгІахъвдаквырцІаз антахъгыт ауысквала щаквыргыла нанаухвитІ».

3. А-Устава 4.10. апункт араса йпсахра:

«4.10. А-Конгресс йалакву дара ъабзазауа апны йгІаныршу а-Конгресс ашта йгъи ашІыпІа хъвшараква рпны ашвъа йанырцІитІ. А-Конгресс ахъвшараква ъаным ашта, аунашвахъцІара-къралыгІва йа акъралыгІва гІаныршараква рпны йбзазауата а-Конгресс йалакву а-Конгресс ЙхІаракІу асовет аунашвачпагІв йаппарат апны ашвъа йанырцІитІ».

4. А-Устав П. 5.1. араса йпсахра:

«5.1. А-Конгресс йаорганта (араъа амщтахъ – а-Конгресс аорганквa) йалитІ:

а-Конгресса аунашвахъцІара органквa:

- Адуней апсуа-абаза конгресс Айззарату
- а-Конгресс ЙхІаракІу асовет
- а-Конгресс ЙхІаракІу асовет аунашвачпагІв
- а-Конгресс ЙхІаракІу асовет аунашвачпагІв йаппарат

а-Конгресс анхара адызгалуа аорганкви аъанатІанкъвгагІвчви архъвыхра органкви:

- а-Конгресс ЙхІаракІу асовет архъйагІв секретарь
- а-Конгресс Аквта рхъвыхра комиссия».

5. А-Устав П.5.3. араса йпсахра:

«5.3. А-Конгресс йызкъазууым Айззарату азырддитІ АйззарадугІваца злапшуа ауысквала щаквыргыла нахвра атахъызтын:

- Аквта рхъвыхра комиссия атахъырала
- а-Конгресс ашта хъвшараква рыуа хпа йчпата закІы ацкІыс ймачІымкІва ртахъырала.

Йызкъазууым Айззарату а-Конгресс ЙхІаракІу асовет йызкъазууым Айззарату азддара ауысла атахъыра швъа ангІадза амш йгІашІарышвта хымызкІ ацкІыс йкІъасамкІва, ауаса мызкІы ацкІыс йпасамкІва йазддара атахъыпІ».

6. А-Устав 5.12. апункт йапхъахауа ажванахъа апны ажва «цба» «жыгІв»-ла йпсахра.

7. А-Устав П. 5.17. араса йпсахра:

«5.17. А-Конгресс ЙхІаракІу асовет аунашвачпагІв а-Конгресс ЙхІаракІу асовет йалакву дрыуата Айззарату апны хвысквшала далырхитІ. А-Конгресс ЙхІаракІу асовет

аунашвачпагІв а-Конгресс даунашвачпагІвпІ йаргьи а-Конгресс ахьызла азхъацІара швъадъа йхъвдаквцІараква йырхъйитІ».

8. А-Устав 5.18.1. и 5.18.2. апунктква араса йпсахра:

«5.18.1. А-Конгресс Айззарату, а-Конгресс ЙхІаракІу асовет алачІвараква акІвйыршитІ.

5.18.2. А-Конгресс ЙхІаракІу асовет дахъадапІ, ауи анхара унашва ахъицІитІ».

9. А-Устав 5.22. и 5.23. апунктква араса йпсахра:

«5.22. А-Конгресс ЙхІаракІу асовет аунашвачпагІв йаппарат пышвтдъа йынхауа а-Конгресс йархъйагІв органпІ. Аппарат анхагІвчва аппарат райшата зунашва йацІу а-Конгресс ЙхІаракІу асовет аунашвачпагІв йыргылитІ.

5.23. А-Конгресс ЙхІаракІу асовет аунашвачпагІв йаппарат:».

10. 5.23.1. апункт йгІашІарышвта 5.23.13. апунктдза аланакІуата йшаъу йгІаныжьра.

11. 5.24. йгъи 5.25. пунктква алхра.